

Na osnovu člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ br. 27/24), člana 118. Zakona o radu („Službene novine Federacije BiH“, broj: 26/16, 89/18, 44/22 i 39/24), na osnovu Odluke o izmjeni Nastavnog plana i programa sa definisanim ishodima učenja iz nastavnog predmeta Muzička/Glazbena kultura, broj: 11-34-30789-3/25 od 12.6.2025. godine i Pravilnika o izmjenama Pravilnika za prijem radnika u radni odnos u osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“, broj: 37/25), uz konsultacije i saglasnost predstavnika Sindikata JU OŠ „Grbavica II“, broj: broj: 81/25 od 23.09.2025. godine, Školski odbor JU OŠ „Grbavica II“ Sarajevo, na 41 sjednici održanoj dana 26.09.2025. godine donosi

**PRAVILNIK
O IZMJENAMA I DOPUNAMA PRAVILNIKA O RADU
JU OŠ "GRBAVICA II" SARAJEVO**

Član 1.

U Pravilniku o radu JU Osnovna škola "Grbavica II" Sarajevo, broj: 01-322/25 od 15.04.2025. godine i broj: 01-378/25 od 15.05.2025. godine u članu 12. stav (4) mijenja se i glasi:

"(4) Obaveza direktora škole je da konkurs objavi najkasnije 10 dana od dana dobijanja saglasnosti, a što uključuje obaveze i roкове utvrđene u st. (5) i (6) ovog člana."

Član 2.

U članu 15. stav (1) mijenja se i glasi:

"(1) Radni odnos na određeno i neodređeno vrijeme se može zasnovati i bez objavljivanja konkursa na način i pod uslovima definisanim važećim kolektivnim ugovorima za djelatnosti predškolskog odgoja, osnovnog odgoja i obrazovanja i za djelatnost srednjeg obrazovanja u Kantonu Sarajevo."

Član 3.

U članu 16. u stavu (10), (11) i (12) mijenja se i glasi:

(10) Kriteriji za bodovanje i način bodovanja kandidata vrši se na način kako je to utvrđeno u članu 8,9,10,11,12. i 13. Pravilnika za prijem radnika u radni odnos u osnovnim i srednjim školama kao javnim ustanovama na području Kantona Sarajevo (Službene novine KS, broj: 08/25 i 37/25.)

(11) Registracija i prijava na konkurs kandidata vrši se u skladu sa članovima 14 i 15. Pravilnika za prijem radnika u radni odnos u osnovnim i srednjim školama kao javnim ustanovama na području Kantona Sarajevo (Službene novine KS, broj: 08/25 i 37/25.).

(12) Postupanje komisije, bodovanje i utvrđivanje konačne liste vrši se u skladu sa članovima 17.,18,19. i 20. Pravilnika za prijem radnika u radni odnos u osnovnim i srednjim školama kao javnim ustanovama na području Kantona Sarajevo (Službene novine KS, broj: 08/25 i 37/25.)

Član 4.

Član 192. mijenja se i glasi:

„(Broj nastavnika, stručnih saradnika i saradnika)

Broj nastavnika, stručnih saradnika za izvođenje odgojno-obrazovnog rada sa učenicima utvrđuje se Pedagoškim standardima i normativima za odgoj i obrazovanje u osnovnoj i srednjoj školi, na osnovu broja upisane djece i broja formiranih odjeljenja na početku školske godine, a broj ostalih radnika kao podrška osnovnoj djelatnosti za obavljanje poslova iz nadležnosti Škole, određen je precizno Pedagoškim standardima i normativima za odgoj i obrazovanje u osnovnoj i srednjoj školi."

Član 5.

U članu 194. (Radna mjesta) u tački 4. 12. NASTAVNIK MUZIČKE/GLAZBENE KULTURE, Uslovi za vršenje poslova se mijenjaju i glase:

„Nastavu predmeta Muzička/Glazbena kultura (V-IX) - Skupno muziciranje mogu izvoditi:

- Profesori Muzičke kulture i teoretsko-muzičkih predmeta (po predbolonjskom sistemu studija) ili druge visokoškolske umjetničke muzičke institucije sa odgovarajućim odsjecima,
- Nastavnički fakultet - nastavnik Muzičkog odgoja – VŠŠ – (po predbolonjskom sistemu studija) Nastavnički fakultet – diplomirani Muzički pedagog – (po predbolonjskom sistemu studija) Muzička akademija – profesori muzike sa završenom Muzičkom akademijom – Teoretsko-pedagoški odsjek u četverogodišnjem trajanju, VII stepen (po predbolonjskom sistemu studija), - Odsjek za muzičku teoriju i pedagogiju završen I ciklus studija najmanje u četverogodišnjem trajanju, 240 ECTS (po bolonjskom sistemu studija), - Odsjek za muzičku teoriju pedagogiju, završen I i II ciklus studija u petogodišnjem trajanju, 300 ECTS (po bolonjskom sistemu studija).“

Član 6.

Ostale odredbe Pravilnika o radu JU OŠ „Grbavica II“ Sarajevo, broj: 01-322/25 od 15.04.2025. godine i broj: 01-378/25 od 15.05.2025. godine ostaju na snazi.

Član 7.

- (1) Pravilnik o Izmjenama i dopunama Pravilnika o radu JU OŠ “Grbavica II” Sarajevo, nakon što ga usvoji Školski odbor, objavljuje se na oglasnoj ploči škole i web stranici škole.
- (2) Pravilnik o izmjenama i dopunama Pravilnika o radu stupa na snagu danom donošenja.

Broj: 01-667-2/25

Sarajevo, 26.09.2025. godine


Predsjednik Školskog odbora

Nusret Mujezinović